

HELAIAN PENDEDAHAN PRODUK	Etika Family Takaful Berhad ("Pengendali Takaful / Kami")
Sila baca Helaian Pendedahan Produk ini sebelum anda memutuskan untuk menyertai <i-DoubleSecure>. Anda juga diminta untuk membaca terma-terma dan syarat-syarat amnya.	i-DoubleSecure
	<Date>

1. Apakah ciri-ciri produk ini?

i-DoubleSecure merupakan pelan perlindungan Takaful Keluarga. Pelan ini akan membayar jumlah yang dilindungi sekiranya orang yang dilindungi meninggal dunia atau mengalami hilang upaya menyeluruh dan kekal ("HUMK") sebelum sijil ini luput. Tambahan 100% jumlah yang dilindungi akan dibayar sekiranya kematian atau HUMK disebabkan oleh kemalangan.

2. Apakah konsep-konsep Syariah yang digunakan?

Tanggungjawab untuk membayar sumbangan dan menerima manfaat, berdasarkan konsep Tabarru'. Tabarru' membolehkan peserta untuk memenuhi tanggungjawab bantuan dan jaminan bersama.

Kami dilantik sebagai Pengendali Takaful di bawah struktur Wakalah. Struktur Wakalah adalah hubungan agensi antara dua pihak. Fi Wakalah dibayar kepada Kami untuk menanggung kos pengurusan dan pendedaran pelan.

Sumbangan ditolak fi Wakalah akan disalurkan ke dalam Dana Risiko Peserta (DRP). Lebihan pengunderaitan daripada DRP, akan diagihkan mengikut polisi lebihan yang telah diluluskan oleh jawatankuasa Syariah Kami. 50% daripada sebarang lebihan agihan akan dikongsi di antara peserta-peserta yang sijilnya masih berkuat kuasa dan tidak membuat sebarang tuntutan dalam tahun kewangan tersebut. Manakala baki 50% lagi akan dibayar kepada Kami untuk mengendalikan dan menguruskan DRP, berasaskan kontrak Ju'alah. Ju'alah adalah kontrak upah yang menentukan pengagihan perkongsian lebihan.

Perkongsian lebihan yang diagihkan kepada peserta adalah terkumpul dalam dana berasingan. 85% daripada keuntungan pelaburan dana berasingan akan dikongsi di kalangan peserta-peserta, di mana sijilnya masih berkuat kuasa, and baki 15% akan dibayar kepada Kami berasaskan kontrak Mudarabah. Mudarabah adalah kontrak persetujuan bersama di antara Kami dan peserta untuk keuntungan pelaburan atau kerugian. Dana berasingan tersebut akan dibayar bersama dengan manfaat, pada tarikh tamat tempoh sijil, atau diminta oleh peserta pada bila-bila masa sebelum tamat tempoh sijil dengan syarat amaun yang diminta adalah sekurang-kurangnya RM500.

3. Apakah perlindungan / manfaat yang diberikan?

Sekiranya berlaku kematian atau HUMK terhadap orang yang dilindungi, manfaat adalah jumlah yang dilindungi RM<JUMLAH DILINDUNGI> ditambah apa-apa lebihan terkumpul daripada DRP. Apabila kematian pada tahun pertama bukan disebabkan oleh kejadian kemalangan, manfaat adalah sumbangan telah dibayar sahaja.

Sekiranya berlaku kematian atau HUMK terhadap orang yang dilindungi disebabkan oleh kemalangan, tambahan 100% jumlah yang dilindungi akan dibayar. Tiada manfaat tambahan akan dibayar sekiranya kematian disebabkan oleh kemalangan berlaku selepas ulang tahun sijil setelah orang yang dilindungi mencapai umur 69.

Tiada manfaat akan dibayar keatas HUMK selepas ulang tahun sijil setelah orang yang dilindungi mencapai umur 64.

Manfaat-manfaat yang dibayar di bawah produk yang layak adalah dilindungi oleh PIDM sehingga had perlindungan. Sila rujuk Brosur Sistem Perlindungan Manfaat Takaful dan Insurans PIDM atau hubungi Kami atau PIDM (layari www.pidm.gov.my).

4. Berapakah jumlah sumbangan yang perlu saya bayar?

Anggaran sumbangan yang perlu anda bayar adalah RM <sumbangan><mod sumbangan>.

5. Apakah fi-fi dan caj-caj yang perlu saya bayar?

Fi Wakalah akan dibayar kepada Kami bagi tujuan menanggung perbelanjaan pengendalian dan pengurusan pelan ini.

Fi Wakalah adalah penolakan RM60 setiap tahun bagi setiap sijil daripada sumbangan dan 25% atas jumlah sumbangan diterima pada tahun pertama sijil dan 6% pada tahun berikutnya.

6. Apakah terma-terma dan syarat-syarat utama yang perlu saya tahu?

Kegagalan untuk menjawab soalan-soalan atau mendedahkan dalam permohonan secara sepenuhnya, atau salah memberikan maklumat atau membuat pendedahan, boleh mengakibatkan penamatan sijil, tuntutan tidak dibayar, atau terma-terma dan syarat-syarat sijil diubah.

Bagi manfaat HUMK, amaun maksimum yang perlu dibayar bagi HUMK ke atas semua sijil adalah terhad kepada RM2 juta. Bayaran HUMK merupakan suatu amaun tunggal, kecuali jika jumlah manfaat HUMK ke atas semua sijil melebihi RM1 juta. Dalam kes ini, manfaat akan dibayar melalui dua ansuran, ansuran pertama akan ditentukan dimana jumlah bayaran pertama ke atas semua sijil adalah RM1 juta, dan ansuran kedua merupakan baki manfaat. Ansuran kedua itu akan dibuat 12 bulan selepas bayaran yang pertama dan tertakluk kepada bukti HUMK berlaku secara berterusan.

Nota: Senarai ini tidak menyeluruh. Sila rujuk kepada sijil untuk terma-terma dan syarat-syarat terperinci.

7. Apakah pengecualian utama di bawah sijil ini?

Untuk memastikan manfaat pelan yang berpatutan, pelbagai pengecualian dikenakan ke atas manfaat yang perlu dibayar. Pada tahun pertama selepas berkuatkuasa, untuk kematian yang disebabkan oleh bunuh diri ketika waras, jumlah sumbangan akan dikembalikan. Selepas itu, untuk kematian yang disebabkan oleh bunuh diri ketika waras, jumlah yang dilindungi sepenuhnya akan dibayar.

Dan bagi HUMK atau manfaat tambahan disebabkan oleh kemalangan, tiada manfaat akan dibayar apabila kejadian atau keadaan yang berikut berlaku secara langsung atau tidak langsung:

- 1) Kecederaan diri sendiri yang disengajakan atau cubaan membunuh diri, ketika waras;
- 2) Penyertaan di dalam sebarang perbuatan jenayah atau menyalahi undang-undang, mogok, rusuhan, tindakan keganasan atau kekecohan awam;
- 3) Penggunaan alkohol, tanpa prekripsi atau penyalahgunaan dadah atau narkotik;
- 4) Penyertaan dalam sukan atau aktiviti berbahaya;
- 5) Penerbangan selain menggunakan laluan tetap yang dikendalikan oleh syarikat penerbangan komersial;
- 6) Provokasi fizikal dan ganas;
- 7) Penyedutan racun, gas atau wasap; atau
- 8) Pencemaran radioaktif.

Nota: Senarai ini tidak menyeluruh. Sila rujuk kepada sijil untuk terma-terma dan syarat-syarat terperinci.

8. Bolehkah saya membatalkan sijil ini?

Anda berhak untuk membatalkan sijil dengan memberikan arahan bertulis kepada Kami dalam tempoh 15 hari selepas Anda menerima sijil ini. Kami akan mengembalikan sumbangan yang telah diterima. Sijil ini dianggap telah Kami terima pada tarikh ia dihantar sendiri, atau pada tarikh ia diposkan kepada Kami jika dihantar melalui pos berdaftar, atau pada tarikh transmisi jika sijil ini dihantar secara elektronik.

Sekiranya Kami menerima apa-apa notis pembatalan bertulis daripada anda selepas 15 hari Anda menerima sijil ini, Kami akan mengembalikan nilai serahan daripada DRP, dan apa-apa lebihan agihan terkumpul.

9. Apakah yang perlu saya buat sekiranya terdapat perubahan kepada butir-butir peribadi saya?

Adalah penting untuk anda memaklumkan kepada Kami mengenai sebarang perubahan mengenai butir-butir perhubungan anda bagi memastikan semua surat-menyurat sampai kepada anda dengan kadar segera. Sila tulis dan hantar ke alamat Kami di Etiqa Family Takaful Berhad, Dataran Maybank, No 1, Jalan Maarof, 59000 Kuala Lumpur; atau nombor faksimili di 03 – 2297 3800; atau alamat e-mel info@etiqa.com.my; atau hubungi Kami di 03 – 2297 3888; atau Etiqa Online di 1300 13 8888, atau kunjungi www.etiqa.com.my.

10. Dimanakah boleh saya memperoleh maklumat lanjut?

Jika anda mempunyai sebarang pertanyaan lain, sila tulis ke alamat pos Kami di Etiqa Family Takaful Berhad (199301011506), Dataran Maybank, No 1, Jalan Maarof, 59000 Kuala Lumpur; atau hantarkan kepada nombor faksimili di 03 – 2297 3800; atau alamat e-mel info@etiqa.com.my; atau hubungi Kami di 03 – 2297 3888; atau Etiqa Online di 1300 13 8888, atau kunjungi www.etiqa.com.my. Etiqa Family Takaful Berhad dilesenkan di bawah Akta Perkhidmatan Kewangan Islam 2013 dan dikawalselia oleh Bank Negara Malaysia.

11. Lain-lain jenis perlindungan serupa yang boleh didapati?

Sila rujuk kepada pengedar Kami untuk lain-lain jenis perlindungan serupa.

NOTA PENTING:

PENYERTAAN DALAM SIJIL TAKAFUL KELUARGA MERUPAKAN SUATU KOMITMEN KEWANGAN JANGKA PANJANG. ANDA HARUS MEMILIH JENIS SIJIL YANG PALING SESUAI DENGAN KEADAAN PERIBADI ANDA. ANDA JUGA PERLU MEMBACA DAN MEMAHAMI SIJIL TAKAFUL ANDA DAN BERBINCANG DENGAN WAKIL JUALAN ATAU TERUS MENGHUBUNGI PENGENDALI TAKAFUL UNTUK MAKLUMAT LANJUT.

Maklumat dalam Helaian Pendedahan Produk ini sah pada <issue date>.